



## Universitätsbibliothek Paderborn

**Croesvs Et Codrvs. hoc est, Copiæ Et Inopiæ Damna vel  
Lvcra, à bono iustoq[ue] Mundi Gubernatore Deo  
Distribvta**

**Stengel, Georg**

**Ingolstadij, 1648**

§. 17. Varijs modis homines imitari posse exempla pauperum Christi.

[urn:nbn:de:hbz:466:1-52359](https://nbn-resolving.de/urn:nbn:de:hbz:466:1-52359)

cælestia anteferre; qui ne putent, te somniasse, ecce, quod petieras, impetrasti. Ex hac hora enim sanus eris.

## §. XVII.

*Varijs modis homines imitari posse exempla pauperum Christi.*

Dixit hæc Alexander, & qui sanitati fuerat restitutus, alijs narrauit: illi, qui eodem tempore se vixisse testantur, posteritati commendarunt, vt & exemplum & præmium pretiumq; paupertatis à quatuoragijs prolibus disceremus. O quam magna virtus est, posse coronas abiijcere, scepsa contemnere, purpuras deponere, in cænobijjs, inter infimos, inter pecudes laborare! Hi sunt, qui Mundo ignoti, Sanctis nobiles, Deo chari, de stabulis transeunt ad duplum coronam, præ Principibus, præ Regibus, præ ipsis Imperatoribus in cælo triumphaturi. Liceat mihi igitur cum S. Hieronymo Lectorem alloqui ac dicere: Se-

S. Hiero-  
nym. cp.  
4. ad Ru-  
cticum,

ctare vestigia eorum, quos sacerdotium & humiliores facit, & pauperes: aut si perfecta desideras: exi cum Abraham de patria & cognatione tua, & perge quo nescis. Si habes substantiam, vende & da pauperibus: si non habes, grandi onere liberatus es: nadum Christum natus

dus sequere. Durum, grande, difficile; sed magna sunt præmia. Nemo putet se nimium dare, si vel regna det Deo; si enim Deo danda sunt, quæ Dei sunt; profectò corpus & anima, vita & mors, copia & inopia, honores & voluptates, denique omnia, quæ in mundo sunt, Deo danda offerendaq; sunt, quia omnia Dei sunt; siquidē *Dominus unius* <sup>Matthæi 22. 21.</sup> <sup>1. Reg. 2. 7.</sup> *versorum* est. Quod diligenter considerarunt Religiosi, qui, imitatione primorum Christianorum, quibus erant omnia communia, Act. 4.32. Euangelicam amplexi sunt paupertatem, eamque voto firmarunt, hoc ipso ditiores, quia pauperiores. Nam unusquisque pro uno sibi proprio, conferendo illud in commune, in communi possidet omnia ceterorum. Quæ communio bonorum nata est ex communione animorum, apud Apostolos; ut qui eodem consortio religionis tenebantur, ait S. Augustinus, eodem consortio fruerentur & vita; ut quibus erat una fides, esset una substantia; quibus erat communis Christus, communis esset & sumtus. Non querit charitas quæ sua suauit. Quidam eò usque progressiuntur, ut nihil omnino, ne in communi quidem habere velint, sed vivere in diem mendicatò. Sed diuersa sunt dona spiritus,

Dd 2

diuersæ

*August.*  
serm. 27.  
de verb.  
Apostoli.

diuersæ vocaciones, vti & diuersi fines, ac  
diuersæ naturæ & vires. Non omnes pos-  
sunt esse Alexandri, aut Mechtildes. Apo-  
stolorum exemplo patet, possessionem in  
communi, nil paupertati derogare. Quam-  
quam neque hæc quideim paupertas om-  
bus competit. Quod S. Augustinus suo es-  
emplo demonstrat. Narrat enim, se ante  
conuersionem agitasse consilium, cum so-  
cijs, de vita communi incunda, vt remota  
turbis tranquilliùs viuerent; vt vnam, in-  
quit, rem familiarem conflaremus ex omnibus;  
vt per amicitia sinceritatem non esset aliud hu-  
ius, & aliud illius, sed quod ex cunctis fieret  
unum, & uniuersum singulorum esset; & om-  
nia omnium. Et placuerat nobis, vt bini anni,  
tamquam magistratus omnia necessaria cura-  
rent, ceteris quietis. Sed postea quam caput (Ro-  
manianus vñus è socijs) cogitare, virum hoc  
muliercula sinerent, quas & alij nostrum iam  
habebant, & nos habere volebamus, totum  
illud pactum, quod bene firmabamus, disiulit  
in manibus, atque confractum est. Inde ad  
suspiria & gemitus conuertebamur, & grissu-  
ad sequendas latas, & tritas vias saculi. Num-  
rum non omnium est, et si bona fortuna vel-  
lent deserere, etiam deserere vxores. Quid  
ergo

S. Augu-  
stin. l. 6.  
Confess.||  
cap. 14.

ergo his faciendum? an amandæ diuitiarum, de restanda paupertas? nequaquam; cum tanta sint huius bona, ut etiam Ethnicorum plurimi eam ambierint. De quibus aliquid dicere, operæ pretium est.

## C A P V T XVI.

*Fuisse etiam, apud Ethnicos, amatores & laudatores paupertatis.*

## §. I.

*Ad quam paupertatem Ethnici peruer-*  
*nerint?*

**G**entiles, quamquam ad perfectam Euangeliæ paupertatem, quæ inducit bonorum communionem, atq; vnius Dei vitæque æternæ amore suscipitur, assurgere non potuerunt; ductu tamen naturæ adeò multa viderunt, ut pacis, boni publici & priuati, ac Philosophandi, nonnulli etiam laudis caussa, diuitias contemnerent, & sponte etiam pauperes esse mallent. Atque inter hos non Philosophi dumtaxat, sed etiam Principes fuerunt, illi enim ut sapientia, isti ut Reipublicæ gubernaculæ tantò liberiore animo vacare possent, curas sollicitudinesque pecuniarum à se abdican-

D d 3

runt.